


Stichting Monumentenfonds ta yama bonbini na su expo "Cas Madu"



ORANJSTAD (AAN): Stichting Monumentenfonds Aruba (SMFA) ta celebra e inicio di un aña nobo yamando bon bini na e exposicion di 'Cas Madu' na e oficina di SMFA.

Den un atardi ameno cu invitadonan a hasi apertura di e exposicion di e fotografo Claudius Daly cu a fotografia mas cu tres cien cas di cunucu na Aruba. E exposicion a cuminsa aña pasa na BEAM den edificio di ex- Botica Aruba na Steenweg. SMFA pa e ultimo añanan caba tabata tin exposicionnan di arte

caminda cu monumentonan ta e inspiracion pa e artista den nos sala di reunion. Awor ta toca turno na e exposicion di 'Cas di Madu' di Claudius Daly.

Locual a cuminsa pa Claudius Daly manera un pasa tempo a bira un pasion pa e casnan di cunucu aki, cu manera Sr. Daly ta bisa, nan ta recorda nos con duro nos grandinan a traha pa construi nan casnan y ta encanta con despues di añanan e casnan ta fuerte para, aunque tambe lamentablemente tin hopi cu a bai perdi caba y of ta na

peliger di desaparece.

SMFA semper ta apoya iniciativanan asina aki cu banda di ilustra e beyezanan di nos monumentonan na Aruba tambe ta yuda concientiza tocante e situacion di hopi di e casnan aki pa asina stimula tur hende pa yuda preserva esakinan como parti di nos herencia cultural.

Publico lo por pasa na Stichting Monumentenfonds Aruba pa bishita e exposicion di dialuna pa diabierna entre 8:00 -12:00 y 2:00 - 5:00.